

KANAOUEN

XVII

AN DEDI EUS AN ILIS NEVES,

SAVET E PLOUMOGUER,

er bloas 1843,

an Aoutrou-n HIR, Persoun,

ac an

Aoutrou DESSON DE SAINT-AIGNAN, Mear.



Var ton Kantik ar Barados.

Pobl eus a Bloumoguier,
Me a garfe ober,
Eus c'hantik a joa
En deis ma da gana. } *bis.*

Ar bobl a Israel,
E kreis tan ar bresel,
A savas gant kaloun
Templ santel Salomon.

Pep hunan anezo,
Eb aoun rac ar maro,
El labour deis a nos
A choume eb repos.

Eleac'h pinvidigues
Ho devoa karantes;
Ar garantès zo krè
Pa zeu digant Doué.

Penaos gallout guelec
Ty Zoué diskaret,
Eb klask ractal an dro
D'er sevel, d'er golo.

Lezomp ar bayanet
En egar da redet;
An Doué a servichomp.
A roi sikour deomp.

Tud parrés Ploumouguer.
A velomp oc'h ober
Ar burzud erruet
En amser dremenet.

A possubl eo lezel,
Eme ar bobl fidel,
Hon Ilis diabri
Evel eur c'hos koc'hi?

Da youes ho fastor
Ho c'haloun zo digor,
N'eus nikun er Barrés
Na chich na didalves.

Yaouank, kos, bras, bihan,
E poaniont eb hean,
Ken a velont savet
Ho Ilis binniguet.

Gant laouenidigues
E velont an derves
Merket da celebri
Eus an templ an dedi.

Gant eur joa eb e far
Pep unan a lavar:
Brema en hon Ilis,
Ni glevo an ofiç.

Kouls a Plougonvelen
Ni hell sevel hor pen
Pa vezo kistion
Eus a Religion.

Lamber a Ploumoguier
A voar ive ober,
Offrançou da Zoué,
A templ de vajesté.

Henor, Ploumoguieris,
Deoc'h, hor c'henvrois,
Ni enkanto heb deis
Ho larguentes, ho feis.

Diskoes a rit sklear
Da vourc'hizien kear
Penaos eo beo ar feis
E kaloun tud hor Breis.

Ne lavarint mui,
Ar Gristenien impi,
Ar feis a zo maro
E kaloun tud hor bro.

Sellit, *Philosopet*,
Oud an Ilis savet
E Parres Ploumoguier,
Gant Tud eus ho karter.

Ne dalves ket deoc'h,
Klask terri ar péoc'h
Etre ar vretounet,
Denvet a Pastoret.

A viskoas ar Bretoñn,
A zent oud e Bersoñn,
Zo fidel de Zoue;
E vro a gar ive.

Kaloun , Ploumoguëris ,
Peur-c'brit mad hoc'h Ilis ,
Vit ma vo lavaret :
Savet eo ac orniet.

Biskoas n'eus bet guelec
Tyegues diskaret ,
O rei prof dan Ilis :
Kredite , va Brois.

Guedit digant Doué
Pep seurt prosperite ;
Doué zo eun tad mad ,
Ne vezo ket ingrat.

Henor , henor ato
Da Jesus en hor bro ,
Gant ar guir vretounet
Ra vo karet bepret.

Mari , Mam a guerc'hes ,
Grit eur sell a drues
Oud ar Bobl a vreis
Vit ma talc'ho e feis.

Gant ar Religion
Eus peoc'h ac union ;
Lamit doujan Doué :
Petra velot neuse ?

C'hui , Sant Per hor patron ,
Dre ho protection ,
Grit ma vezimp bepret
Vel breudeur unanet.